

Fiscalnan Britanico considerando si ta acusa Russell Brand formalmente pa abuso sexual

(AP) — Fiscalnan Britanico ta bisa cu nan a ricibi un dossier cu evidencia di polis tocante supuesto ofensanan sexual di comediante Russell Brand, y ta considerando un acusacion formal.

Servicio di Fiscal di Corona (CPS) a bisa diasabra laat cu “nos a ricibi un dossier di polis pa considera un decision di acusacion formal den e caso aki. Cualquier decision pa acusacion formal ta haci independientemente, basa riba evidencia y den linea cu nos test legal.”

Detectivenan di Polis Metropolitan di Londres a entrevista Brand, di 49 aña di edad, tres biaha tocante “ofensanan sexual no recien.”

“Nos investigacion ta continua y awo a pasa e dossier na CPS,” segun detective superintendente Andy Murphy, kende ta liderando e investigacion. “Nos tin un team di agentenan dedica dunando sosten specialista na e muhenan cu a bin dilanti. Nos ta comprometi na investiga ofensanan sexual, sin importa con largo atras ta bisa cu nan a tuma lugar.”

Na september 2023, noticeronan Britanico, Channel 4 y Sunday Times a publica acusacionnan di cuatro muhe di a ser ataca sexualmente of viola pa Brand entre 2006 y 2013, den e punto mas halto di su fama. No a identifica e acusadornan.

E comediante, autor y actor

di “Get Him To The Greek” a rechasa tur acusacion, bisando cu su relacionnan semper tabata cu permiso.

Conoci pa su rutinanan di standup desenfrena y riesgoso, Brand tabata anfitrión di show riba radio y television, a skirbi memoirs detayando su batayan cu droga y alcohol, a aparece den varios pelicula di Hollywood y brevemente tabata casa cu strea di pop Katy Perry di 2010 y 2012.

Den añanan recien, Brand en gran parti a desaparece di medionan tradicional, pero a construi un base grandi di siguidornan online cu videonan mesclando bienestar cu teoranan di conspiracion.



Dia 30 di November proximo, durante Aruba Fashion Week, Ronchi de Cuba lo presenta su Haute Label “Aruba Alegria”

Nos maximo diseñador di moda, Ronchi, lo presenta su Haute Label durante Aruba Fashion Week. E coleccion maximo di nos diseñador local ta wordo presenta cada 5 aña.

Na 2019 por a aprecia e col-

leccion durante “30 Years of Style” su celebracion di 30 aña den moda. Awo pa 2024, celebrando 35 aña como diseñador di moda y productor, Ronchi ta cla pa presenta un otro espectacular coleccion. E biaha aki cu e inspiracion “Aruba Alegria”.

Un coleccion cu ta e punto climactico di moda di nos pais. Colorido, energetico y cu telanan exkiso e RONCHI DE CUBA Haute Label pa 2025 sigur lo acapara atencion. Manera ta custumber Ronchi semper ta usa mayoria di modelo local pa su des-



file y ta concentra ariba diversidad di look. “Mi a realisa mi propio casting y a mira locual e evento tin pa ofrece y asina a yega na e modelonan cu lo cana mi pasarela” Ronchi a duna di conoce.

Pa locual ta trata e coleccion Ronchi ta informa “Alegria Aruba ta un coleccion di nos maximo label RONCHI DE CUBA Haute Label. E ta encera e vibracion di nos isla. E alegria di nos hendenan. E caricia di nos biento y e sunchi di nos solo”. Algo no usual mirando cu Ronchi semper ta wordo inspira door di Aruba.

E diseñador ta pone enfa-

sis ariba e falta di apoyo pa nos diseñadornan local. “E entidad local concerni cu turismo y otro industrianan mester por aporta mas na nos creativonan local” Ronchi ta informa. “Kisas un fondo apart disponibel pa desaroya talento local lo ta na su lugar” Ronchi ta bisa.

Ronchi ta invita Aruba en general pa presencia e Aruba Fashion Week y asina apoya e diseñadornan local cu ta participando. “Pa locual ta trata mi show por spera piezanan deslumbrante cu ta representa nos isla y su alegria” Ronchi ta finalisa.

**ASK ABOUT OUR
ENDOWMENT
PLAN**

Life insurance coverage up to age 65

Guaranteed Cash Value Over Time

Lumpsum Payment at 65

Protection from Total Disability and Accidental Death (optional)

Sagicor
LIFE